



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Agatha. 5. Februarii.

[urn:nbn:de:hbz:466:1-62968](#)

• 50) 91. (50)

S. AGATHA.

5 Februarii.

*Spectaculum facti sumus mundo,
Angelis & hominibus. S. Paul. i. cor. 4.*

ANNO CCLIV. AGATHA Catana ad Quintianum Prætorem abducitur. Deperibat hic Christi Sponsam. Quare eam Aphrodisiæ lenæ commendat, facile ratus fidei castrum evertere, ubi prodita pudoris arx conflagrâsset. Ambulavit illa per omnes fraudes; sed cœcam ad munera, surdam ad blanditias & minas invénit. Itaque Prætor amorem vertit in odium, martyriq; ubera auferri imperat. Tulit facile eam jacturam Virgo, gnara Ecclesiæ sobolem non tam late matrum, quām sanguine Martyrum ali: sed nec uberibus diu caruit, medicinam D. Petro faciente. Quintianus ex amatore jam carnifex; dum nudam in testarum fragminibus pruniq; volutari mandat, ecce mota insolite terra, cùm duos supplicii auctores oppressisset, populum etiam ita commovit, ut re ad seditionem spectante ad carcerem Virgo reduceretur. Ibi inter vota animam in sinum ac amplexus Sponsi sui

F s

expir.

expiravit'. Tumulum sepulta Cælites mat.
more ornarunt cum hac epigraphe: *Mentem
sendam, spontaneum honore Deo, & patriæ liberationem.*
Quintianus dum Panormum fortunas Vir-
ginis direpturus trajicit, equorum calcibus
in undas exturbatur, libidinis & avaritiæ si-
tim positurus. Ajunt corpus ejus nunquam
repertum, sepulchro caruisse. Nimirum ut
Castitas ab Angelis, ita impuritas ne ab ho-
mīne quidem meretur tumulari.

Ex Suria

M E D I T A T I O

De vita sanctæ Agathæ.

1. **H**æc generosissima Virgo mundum planè vi-
cit, cùm flocci fecit vanitatem; noverat
enim terrena bona; quanta quanta sint, nihil esse ad
cœlestia. O monde, quam malè audis! te deserunt
Sancti, tui etiam affecṭæ conqueruntur, quod bona
promittas, & largiaris mala. Pro certo habes, &
longà quidem doctus es experientiâ, mundam fal-
lacem & malignum esse; attamen ipsi adhæres, ipsum
amas, ipsi laboras. Quid faceres, si staret promis-
sis, & digna laboris præmia rependeret? *Amarum
est mundus; & diligitur, puta si dulcis esset, quid face-
ret?* Aug.

2. Agatha blanditiis, & minis fortiter resistit.
Quam difficile tamen duobus resistitur, quorum
alter

alter blandè & cuniculis , alter palam & apertâ vi aggreditur ! Quàm difficile , inquam , cùm etiana corpus nostrum , allectum blanditiis & deliciis voluptatum , partes illicè suscipiat . Quid ageres si constantia tua deliciarum illecebris , & Tyrannorum minis tentaretur ? tu ? qui tuam salutem breviori voluptati toties postponis ?

3. Angelis puritate par fuit, imò , juxta sanctum Ambrosium , superior ; hominibus quippe fortiter pugnandum , ut illibatam servent castitatem , non item Angelis , qui ab omni concretione corporis sejuncti sunt , Ut puritatis thesaurum servemus , S. Agathæ ; & Angelorum exemplo , Deum præsentem semper cogitemus , semper obsequamur ejus voluntati , & spretis , quantum fieri potest , voluptatibus , cælestes delicias exequamur . Differunt quidem homo pudicus & Angelus , sed felicitate , non virtute , illius castitas felicior , hujus fortior esse cognoscitur . Amb.

S. DOROTHEA.

6. Februarii.

Quis ergo nos separabit à Charitate Christi ? tribulatio ? an angustia ? an nuditas ? an periculum ? an persecutio ? an gladius ?

S. Paulus ad Rom. cap. 8.

DOROT-